

蘑菇菌之類其種甚多有榆蘑榛蘑黃蘑白蘑等名東邊深山內又有猴頭蘑毛茸茸然絕似猴頭故名

堤塔

由瀋陽至興京有山路數處如蜀中棧道然土人名曰堤塔

哈什嗎

哈什嗎形似田雞腹有油如粉条有子如鮮蟹黃取以作羹味極肥美然唯興京一帶有之滿洲人用以祀祖取其潔也

商人衣冠

瀋故 三

二

道咸間凡商人遇慶弔事夏冠草笠冬冠高簷黑毡冠衣則冬夏皆着褐衫衣即雨蓋以此爲禮服也今則冠服炫華望之與仕紳無異此亦觚不觚之一事也

葎園

通化縣山內葎園極多連畦布子灌溉如菜蔬夏則張蘆席以障炎日八九年後則擷而市諸即俗稱秧葎者是

盛京賦

御製盛京賦計三千三百餘言前有序後有鄂爾泰等十二人題跋并爲之注大內所藏有四體書賦帖其真

書爲勵宗萬草書爲梁詩正隸書爲張若靄篆書爲汪由敦册高二寸許筆細如髮真寶物也

一省三京

盛京一省有三京焉興京初名赫阿喇則天命以前所都東

京在遼陽城東則天命六年四月所遷陪京則天命十年三

月所遷也

萬柳堂

盛京亦有萬柳堂在省城南三里許

希姓

所見希姓有傘么唱邸伙智民要賢回緒信修老線侍

瀋故三

三

遼海衛

昌圖府廡前有一石上鐫遼海衛三大字蓋明初置衛時昌圖亦指揮治也其後則入於蒙古耳

耕犁

桓寬鹽鐵論云遼東耕犁轅長四尺迴轉相妨今耕犁較他省特長殆自古已然

鼎甲

說者謂盛京自開國以來未有中鼎甲者唯乾隆中遼陽王爾烈以傳臚顯不知文僖公麻勒吉固開國時滿榜狀元也

范文肅公

開國文臣以范文肅公

文程

為首滿漢名臣傳闕而不

載

短陌錢

盛京行使短陌錢以一百六十四文為一貫不知始於何時隣省唯直隸永平府境亦然大抵明之末季兵餉支絀為此變通之計習而相安遂至今日耳按高江邨天祿識餘謂京師以三十三文為一百此國初京師錢法今盛京行用之數則又半之矣

兩大山

瀋故 三

四

東北名山除長白外以醫巫閭及千山為最大千山在遼陽南周二十餘里有祖龍觀玉皇閣萬佛閣五大安頂羅

漢洞石歇涼臺仙人臺泉鉢奕碁石坪諸名勝閭山

其山掩抱六重又名六山在廣甯北長數百里有古觀音

龕呂公巢松聖天水盆蝌蚪碑風井諸名勝千山隱而

秀閭山雄而奇金蔡珪又詩幽但在林稍看鳥背不知身

到碧雲中

通志

各直省之有志書所以攷獻徵文導揚風化也陪都重地涵濡教澤二百餘年自康熙二十年間府尹董秉忠

等創修志書三十二卷乾隆初又經府尹宋筠王河等續修爲四十八卷規模粗具然疏陋不堪 純廟設

局重爲編次爲卷百二十爲目四十曰聖制 一卷 典譙

八卷 天章 八卷 京城 一卷 壇廟 一卷 宮殿 一卷 山陵 一

卷 星土 一卷 沿革 一卷 形勝 一卷 山川 四卷 城池 四卷

疆域 卷 關隘 卷 津梁 卷 田賦 卷 戶口 卷

職官 卷 廨署 卷 學校 卷 選舉 卷 兵防 二卷 名

宦 一卷 歷代人物 卷 國朝宗室八旗 卷 國朝人物

卷 忠節 卷 孝義 一卷 文學 卷 隱逸 一卷 流寓 一

卷 方伎 一卷 仙釋 一卷 列女 四卷 祠祀 三卷 古蹟 五卷

瀋故 三 五

風俗 一卷 物產 二卷 歷代藝文 四卷 國朝藝文 四卷 雜

志 二卷 唯此本自修定後並未通行故坊肆仍行舊本

板存書院湧漈頗多咸豐中雷藿郊督學刊補一次後

遂無議其事者夫以蕞爾小邑咸有簿錄之書豐鎬舊

邦乃竟無人續輯此非賢士大夫之責乎

十六邊門

柳條邊自山海關以東之鳴水塘門起東北至吉林之發忒哈門止凡邊門十四曰鳴水塘至山海關邊城八十二里又百二十九里曰白石咀又七十里曰梨樹溝又六十五里曰新臺又一百四十里曰松嶺子又一百

里曰九關台又一百九十八里曰清河又八十里曰白
士廠又一百六十二里曰彰武臺又一百三十里曰法
庫兩邊之間有葉茂曰佈爾圖庫曰赫爾蘇曰伊通曰
發忒哈此四門屬吉林省境自法庫門之東一百五十
餘里直趨東南曰威遠堡兩邊之間有馬千總台門不
在數內現為昌圖府至省逼
衢又二百十里曰英額英額北六十里有土口子不
在數內為海龍至省通衢又
二百里曰旺清又二百九十五里曰城廠又一百七十
里曰靉陽又二百三十里曰鳳凰又一百五十里至海
岸在 盛京境共十六邊門

篆寶

瀋故 三

六

每 列聖 列后加尊號則遣翰林二員來 盛京篆
寶嘉慶中武進張皋文先生曾膺是差言於當事者自
京師等上上玉刻成遣使奉往其舊寶不得磨治并言
翰林官乃 皇帝侍從奉命篆 寶係大典禮宜奏請
馳驛不得由部給火牌當事甚以為然以格於例不果
奏

遼太祖陵

遼太祖陵在廣甯城北間山之麓金時即已平毀土人
耕於此者往往得舊瓦以之為硯不減銅雀也

五部設漢員

王麓臺曾請於盛京五部增設漢員以備體制部識不果行

行宮

陪都重地陵寢在焉禋祀巡狩翠華時臨若循歷代之制行宮別館不知凡幾今唯興京廣甯建有□行宮二所且茅茨土階僅避風南大禹之卑宮室不得專美於前矣

營口砲臺

大遼河入海埠頭初設於牛莊繼乃遷於沒溝營至今外省商販仍名曰牛莊海口光緒八年建砲臺於東岸

當海船入口處臺牆周二百六十餘丈前面隨河灣轉作扇面形中間築大砲臺一座兩傍平砲臺二座以取迎頭環擊之勢牆下有暗砲洞八處以備伺便平擊之用軍械庫火藥庫即在臺下後面中間營門一兩傍營門二水洞二內築兵房庫房二百餘間水塘兩處臺前有長壕一道圍牆兩傍又築牆十餘里翼蔽左右其大略也

驛站

盛京驛站屬於兵部東路三曰噶布花林沙兒澣穆奇以逼興京西路十二曰舊邊巨流河白旗堡二道井小

黑山廣甯十三山小凌河高橋甯遠東關涼水河以達
山海關南路八曰十里河迎水寺浪子山甜水站連山
關通遠堡薛禮站鳳凰城以達高麗北路三曰懿路高
麗站開原以達吉林唯摺奏暨大事用之州縣文報另
設鋪司遞送唯東邊道所屬並海龍廳均用馬撥光緒
十年又經改定凡鋪司處所均令捕盜兵兼送

銅杓鍤鑊

海龍人耕地得銅杓一鍤鑊一杓以鍤爲柄重七觔餘
鑊形如三禮圖所繪中可容米斗許按周禮饗人有羊
鑊豕鑊皆烹飪器也

瀋故

三
八

鹿角麋角

古以四月爲鹿角解十一月爲麋角解自乾隆戊子
純廟改定時憲書以十一月爲麋角解始闢沿訛之陋
蓋以木蘭之鹿角吉林之麋角皆解於夏惟麋則解於
冬故特正其舛以示後按麋之爲物東人俗呼馬鹿其
角實與鹿同惟麋大於鹿兩角間頂骨微寬用之於葯
則較鹿爲遜東坡云鹿陽獸見陰而角解麋陰獸見陽
而角解亦格物之未至者

瀋陽城隍廟碑

元至正十二年建立碑文半泐其陰面題名曰昭信校

尉瀋陽等路高麗軍民總管府判官名闕奉政大夫同

知瀋陽等路高麗軍民總管府事瀋陽等路軍民總管

府提控□□耶律順禮宣武將軍總管高麗女直漢軍

都萬戶兼管瀋陽等路安撫使高麗軍民總管王□中

順大夫瀋陽等路安撫使高麗軍民總管洪□將仕郎

瀋陽等路軍民總管府知事王道□懷遠大將軍瀋陽

等路安撫使高麗軍民總管□□□□從仕即瀋陽

等路軍民總管府經歷張子中□□將軍總管高麗女

直漢軍都萬戶府副萬戶路□□總管高麗女直漢軍

都萬戶府經歷鉢可台宣武將軍總管高麗女直漢軍

瀋故三九

都萬戶府都萬戶洪進義□□瀋陽等路高麗軍民總

管府鎮□□懷遠大將軍總管高麗女直漢軍都萬戶

府達魯花赤□忠顯校尉總管高麗女直漢軍都萬戶

府鎮撫□

高麗通商

盛京與高麗僅隔一鴨綠江故疆禁極嚴彼此不得私

越貿易互市只鳳凰城一隅向於春秋二仲月開門始

許來往其權稅之事則於中江設文武章京二員領之

文章京由五部司員內派委武章京由將軍屬之防禦等官派充一年為期即行更換俗呼曰中

江臺官自光緒十年定議准高麗與各外國一律通商

遂弛海禁撤臺官一切事宜胥歸之東邊道而互市於
鎮江城俗名九連城續文獻通考云元世祖中統中於高麗
鳴緣江西立互市其地與今不甚相遠

烽火臺

物類相感志云遼東西北有太宗烽火臺去臺五里間
有火穴彼謂爲塘煨池夜望明如晝常如燒或有物去
池三十步無巨細脅入池中莫能記數深淺焉

三寶

天津王雪菴先生名柘於咸豐年間任遼陽吏目年僅
四十而卒著作甚富今所傳者只閱莒草堂詩四卷耳

瀋故三

十

內有詠人參貂皮烏拉草詩三首人葠曰瑤光星采散
紫氣蟠縹緲嘒聲出土中千歲嬰兒小背陽三椹排向
陰五葉裊紅實隨圓勻黃鬚挺天嬌叢叢山岩幽森森
椹樹老裹糧事尋搜攜鑱費剔挑採同隱土芝護抵仙
人棗先之熱湯煮繼以活火燔補註初我朝不能持久
故抑其值我朝恐其腐敗也每製成去癥妬輸入官
賤價售太祖乃教以製熟之法
局早補注每年放葠票一千七百五十張每票收葠
五分共收葠八百七十六兩內貢九十六兩咸
豐三年奉旨停止將軍選絕品封題馳貢表上獻蓬萊宮天子
長壽考分頒諸侯王賚錫師傅保是物補丹田功用稱
再造上黨古所貴並論覺纖杪元葠既體虛丹參况力

少苦參性味偏沙參膚澤槁豈若遼東產宗注行程宋許亢

自咸州九十里至同州東望大山虜人云此遼東新羅山其

間出人參按同州為今開原東境據此則遼東參殆已久一花飛五鳥原注錢起紫葳歌序五葩花連高出羣

參中輩行都壓倒我朝昔開基王氣孕靈草鄰市過折

價乃用彰天討聲罪朝鮮城受降瓊華島原注國朝初

十兩一捕獲偷掘者知其詐起兵征服之蒙古諸部落

相偕隸旗旒疆宇日恢廓明兵或肆擾彼衆每雲集我

戰輒電掃千斤定歲餽答禮宜修好原注崇德七年與

金萬兩白金百萬我餽人故事二百年東人尚諳曉是

真國家瑞非特天地寶中原鼎久定故都視豐鎬野多

瀋故三

黃鬚翁室有白頭媪非闕服食力食且邁商皓思我堂

上親雲舍感懷抱扶衰需上藥艱難入關道原注山海

嚴貂鼠曰鼠類陰且微惟貂出班行臨鬢映飛蟬珥冠

偕金璫蕭條黑津山羣衆嬉大荒日餐松柏實紫毛爛

生光夜宿銜樹枝自謂難我傷豈料見圖者設伏機潛

張遺矢下觸機機發洞弩鏑可憐剝膚慘非汝能周防

販入五都市短竈仍薰將續斥狗尾賤集等孤腋良百

金購一裘價視荒山昂原注紫色貂出黑津山出荒國初

制未嚴僭服皆揚揚宜興任待御作養陳天閭考較漢

官儀三品有定章遂同狺狺狝邦憲著為常翰詹及科

道待漏寒莫當滿朝怨葵尊諧語傳漁洋我爲貂鼠篇
篇終意慨慷竊聞古大夫清節存羔羊寄語三貂人退
食宜思量烏拉草曰三寶出關東諺語遼人傳人參貂
鼠皮此草參其間初疑小草微未必若是班庸知功在
民乃實非等閒其生不擇地山陸皆彌漫最佳爲紅根
莖細色渥丹次爲塔頭纓千百莖相攢春茁采及秋曝
向烈日乾捶之復揉之入手蓬團團補注每至秋未冬
初見人盤坐於地

手持木捶而聲
擊者即售此者也

牛革爲烏拉草在其中蟠赤足著之

去雪地隨往還輕同蒲鞋踏堅抵木履穿煖逾吉莫靴

軟北兜羅綿

補注近人有絮爲
褥者云勝吉貝

陽春有脚來不慮行蹒

瀋故三

十二

跚我曾試之效稱奇發長歎蓐以壽富人貧者不獲餐
貂以榮貴人賤者不敢冠惟此草一束貧賤得禦寒較
彼蓐與貂爲用且更寬固宜以寶名珠玉莫能攀 太
祖有烏拉至今藏金鑾補注每年六月九日大內有抖
陳設曾經恭觀約一尺有餘遺
留示後王王業成艱難天之使是獨神秀鍾三韓上媿
孔陵蒼下視九畹蘭

遼陽海神傳

明林屋山人蔡羽著遼陽海神傳叙述神异有類寓言
然記遇合之歲月與夫傳説之人似又非羌無故實者

古石刻

盛京古石刻傳於今者甚稀據寰宇訪碑錄遼有奉國

寺石幢記開泰二年立在義州今有大廣濟寺塔記清甯三

年立在錦縣今金有奉國寺續裝兩洞賢聖題記張劬撰劉

永錫書明昌三年正月立在義州今元有重修奉國寺碑盧

懋撰王遂書大德七年九月立在義州今考欽定續通志遼

金三碑俱不載元時石刻則自奉國一碑外尚有遼陽

路香巖寺雪菴塔碑陳景元撰史弼書皇慶二年立在今

遼陽奉國寺莊田記杜克中撰至正十五年立在義州今明有

修補奉國寺聖像記住持某撰嘉靖十五年立重修奉

國禪寺碑記梁廷登撰白應台書萬曆三十一年立重

瀋故三

十三

修倒座觀音記孫世捷撰王悅祖書萬曆三十一年立

俱在今義州幅幘數千里內諒不止此惜無能細訪而著爲

一錄者

開原銀佛

開原銀佛寺內銀佛一尊高尺餘光緒初年爲賊竊去
先是咸豐年間賊竊佛一指即迷罔不能出寺遂被擒
謂非有靈不能如是今全體被攔其無靈也耶抑有數
存雖佛亦無如何也僧人或曰飛去矣

五榆歌

兵部署有鍊冶亭尚書保所書五榆歌一幅詩字俱臻

神詣其弟閔峯玉保侍郎來蒞斯任爲和歌亦懸於壁
兄弟先後爲陪京司馬亦佳話也

開礦

太祖己亥年明七萬曆二三月始開金銀礦鐵冶按是時

居赫圖阿喇則此礦當在今興京百里內

漢人得諡

盛京土著自開國以來半隸漢軍易名之典不可勝紀
漢人得諡者惟秦聚奎蓋平人直隸大順廣道諡剛烈陳克讓承德

人江安道督糧道諡忠節二人而已

紀遼事書籍

瀋故三

十四

紀載遼事者自古寥寥國朝有官撰之滿洲源流者楊
賓之柳邊紀略林本裕之遼載高士奇之扈從東巡日
錄近人林壽圖有啟東錄

古印

農民墾田往往得古銅印以予所見者八方曰行六部
尚書曰莫溫河衛指揮使司印曰右阿速衛親軍都指
揮使司百戶印曰都統所印曰宣撫副使印曰行軍萬
戶之印曰正先行官印曰廣豐倉記按六部尚書見於
金史然其篆文八疊規模全與都統所同都統所始於
遼則六部尚書亦遼印也莫溫河衛即永樂間所設一

百八十四衛之一印背鑄釋文并永樂二年六月禮部

造共三行右阿速衛名見元史唯速作蘇按遼史阿速蘇亦作阿速蓋

音字亦相通

其文不可識殆即八思麻帝師所製之蒙古字

也背鑄字二行一行釋文一行紀年月字溷漶不可識矣宣撫司始於趙宋行軍萬戶則元印也唯正先行官之名不見於史廣豐倉記方僅寸許背鑄正隆二年然金史百官志所載諸倉並無此名或偶置即廢未可知也以諸印觀之諸史之漏畧亦多矣哉

建州

雙槐歲抄載建州女直金之後也洪武初降附永樂中

瀋故三

十五

設奴兒千都司統建州等衛所二百有四世受官賞爲不侵不叛之臣初建州海西兀者等衛夷人先居斡水河與七姓野人有讐投奔朝鮮復爲所戕乃復歸附朝廷處之遼陽迤東蘇子河一帶遞年往來朝貢成化丙戌背義搶掠人畜數萬天威震怒將元惡董山等二百五十餘人俱留廣甯監禁致死乃調大軍抵巢征勦未一有成功已亥九月賊首刺達等猶爲邊患巡撫都御史陳鉞總兵歐信從饅頭山鱸口等處攻之斬獲賊首二百餘級全軍而還復分兵於遼陽迤東五堡北接撫順城南連鳳凰山林木稠密處按伏以守之己亥賊首伏

當加糾三衛入寇命撫寧侯朱永總兵中官汪直監其軍陳鉞贊畫往討破其營五百餘所焚廬舍二千餘間獲馬及軍械倍之永由是進封保國公然其後讐我大邦益肆猖獗女直自此叛矣

老古洞

興京東舊名老虎洞在懸崖下洞口如戶可容二人內爲石室壁石隱然有罇瓶狀西通十餘步東可里許復露天光有如懸鏡前有河流亂石多具鳥獸禽魚形

海龍城

海龍之名於史志皆無攷恭讀 純廟御製詩集乃知

瀋故 三

十六

爲海蘭之僞也按海蘭霍吞詩序云淘蘭霍吞者漢言榆城也遵槎爾筏嶺而西旁見舊城之基焉雉堞無存土壘尚在昔年征戰之時各築堡以自守遺老既盡無能道其事者以其生榆樹焉則謂之榆城而已按詩集次序先經輝發故城即過海蘭至花園入英峩門今輝發在海龍東花園在海龍西是海蘭即海龍已

錦縣牧廠

順治五年以中前所後屯衛中後所地分給八旗爲牧場康熙二年令錦縣大凌河牧場東至右屯衛西至鴨子廠南至海北至黃山堡留爲牧馬地乾隆十三年裁

減馬羣於西界截出十里給官兵耕種後截齊東至杏
山北濠溝西至鴨子廠南至七里河北至金廠堡爲界
永甯菴碑

鐵嶺城南三十里汎河堡永甯菴有古碑一係尼僧普
會重修是廟者也文甚鄙俗不堪寓目其紀元處但云
大金歲次乙丑據文內不料戊午三韓竟沉之語則此
大金殆非完顏氏也完顏之世歷戊午者二均無兵革
唯 國朝天命二年戊午克明撫順等城文殆指此是
崇德丙子未號大清以前國號原建大金也

同名郡縣

瀋故 三

十七

盛京府廳州縣有與各省同名者承德京縣與直隸府
名同鳳凰直隸廳與湖南廳名同甯遠州與四川府名
山西廳名湖南永州府下縣名甘肅鞏昌府下縣名俱
同廣甯縣與廣東肇慶府下縣名同奉化縣與浙江甯
波府下縣名同懷仁縣與山西大同府下縣名同

鄉試

每鄉科合滿合夾號所中不下二三十人似可仿照貴
州貴州小省海試額中三十人特建試院於奉天省統奉天吉林黑

龍江三省滿漢赴試人數酌定解額士習文風或當進
而益上考金史凡府試策論進士上京海蘭率賓呼爾

哈均今吉林地扶餘東北招討司均今黑龍江地等路則赴會甯

府試咸平隆州博索東京蓋州懿州則赴咸平府試詞

賦經義進士上京東京咸平府均試於遼陽府策論詞賦經義

金時分兩科其試官詞賦三員策論二員酌古準今是有司

與都人士之責也

龍興

兩般秋雨菴載南昌張曼胥儲大學士張位之弟醫卜
堪輿風鑑之術靡不通曉萬歷間遊遼東歸語人云吾
觀王氣在遼左又觀人家葬地三十年後皆當大富貴
閭巷兒童走卒往往多王侯將相天下其多事乎人以

瀋故三

十八

爲狂既而果一一皆驗乃知真龍之興非偶然也

元寶

銀錠名元寶起於元至元三年每重五十兩輟耕錄云
十四年者重四十九兩十五年者重四十八兩遼陽元
寶乃至元二十三四年征遼東所得銀子而鑄者

明邊

柳邊紀畧云盛京西六十里有土牆基號曰老邊疑
前明失遼後邊牆按明季曾於三叉河適中之地設立
鎮城遼河上游自廣甯以東開原以全行置於邊外自
廣甯至瀋陽須由遼陽繞行則此老邊蓋尤在前也

銅礮

光緒辛卯朝陽教匪爲亂奉軍赴援於義州邊外得銅礮二長二尺餘腹巨口斂上鑄字曰嘉靖甲辰兵仗局造破虜壹千叁百叁拾伍號其一欸識同其號則壹千柒百陸拾叁號也按明志明置兵仗軍器二局分造火器凡數十種正德嘉靖間造最多又稱嘉靖初御史邱養浩請多鑄火器給沿邊州縣云云考破虜之名史志不載然已鑄至數千可見當時火器之多然其後任用匪人遼事日壞堅甲利兵蓋不足恃矣

承德令

瀋故三

十九

湖南衡永道施道生籍江左父以乙科令承德縣縣早荒施請賑適歲國有大慶枋國者忌以偏災勞 聖慮陪都卿尹希其旨牘上三駁施憤極曰余爲一邑主豈惜以一身救萬民遂盡發倉穀上牘自劾卿尹怒飛章題叅以侵蝕擬大辟庾死獄中道生流落遼瀋轉徙入都爲酒家傭時灾黎之後咸思報施德方羣然訪施後竟遇道生肆中爲沐浴易衣俾更業讀迄弗成有官御史者援之入方略館充供事得官旋從軍楚南荐升觀察後遂爲承德人以施之慈惠邑人之厚報循吏義民宜不朽於後乃不數十年泯無傳焉甚可怪也事載近

人小説

名誌
坐果
花

說又載邑人爲施建祠今亦無考

瀋故
三

二十

卷三

